

雲溪居士集



膳錄監生臣陳 遂

膳錄監生臣曾 照

欽定四庫全書

雲溪居士集卷四

宋 華鎮 撰

古體詩 五言二十七首

春日雜興十五首

季冬歲云暮玄冥肅寒威濃雲蔽白日朔風戾天飛霜  
華晝不消木冰粲瓊枝河漢凝以沍松竹慘萎蕤豺虎  
有飢色况乃孤兔微朝陽汎春光黃雀鳴華棖

鳴禽斷殘夢寒衾有餘温褰帷覽東窓朝陽汎晴暎晨

興不知倦攝衣步南軒碧瓦無寒霜芳露浥蘭蓀東風  
苦未競愁見陰雲屯登高遠四望極目際郊原

三眠愁夜久夙興坐高堂是時大火中啓明在東方曉  
月俯前楹列星掩微芒和風從東來草木有流芳攔花  
浥零露密影森低昂咸池浴朝日照耀上扶桑輕煙靄  
簾櫳盈盈斂餘光

韶光入南園芳樹轉珍禽弄月曉煙際吟風夕陽林間  
闌調巧言玲瓏韻鳴琴密傳青帝意說盡陽和心採之

芳林幽置之華堂深願言几席間時聽林中音朝餐屑  
崑玉彫籠飾南金引盼結綺疏弄影高梧陰三旬春欲  
暮寫此如簧吟

緩步出東門徘徊高城隅芳郊曉煙霽極目眺平湖遲  
日暖潛魚東風汎菰蒲陽和著萬物動植皆昭蘇行樂  
貴及時流光易云徂五陵少年客燕趙傾城姝憧憧滿  
金隄盈盈雜簪裾華龍儼上駟冰雪瑩膚腴帷花啓芳  
筵藉草羅樽壺寒條密相遺巧笑情有餘溱洧宛未妍

桑中良不如

東風入九門細草有餘綠長楊散金縷繚亂青樓曲緗  
桃美於錦素馨純如玉名園搜未盡春華已盈目蘭蕙  
有天香乃在山之麓不與東風發誰知顧中谷

姜庸曉相攜採桑高城東新粧競姚冶危鬢較攏鬆桂  
襦無舊製組繡有餘工穿林逐流鶯遵渚學驚鴻密葉  
朝露晞遠揚戾東風日昃蠶已飢采采不盈籠

虛懷湛秋水拳石枕寒沙上栽九節蒲依倚復欹斜寄

懷曲几穩發秀終年嘉細根散蒼髯巨柢蟠青蛇玉篔  
瑩故葉劍鋸長新芽融怡謝陽光滋澤非露華潔貞宛  
相適吹噓曾不賒乃知元氣游脗合大道涯生生無間  
斷在在均邇遐陰隲有異稟朗應無爾差故茲靈藥材  
見重長年家寧如溱洧贈復異洛陽花臭腐薦高腴天  
冶揚芬葩栽培劇彫楮祖謝迅飛霞韶光瞬息移不得  
延豪奢

東郊接南陌芳樹繚脩隄疎雨斂輕埃十里平如坻雲



日弄晴陰煙花淡低迷往來多騷裊躑躅赴東西紫駟  
連錢花青驄碧玉蹄軒頭剝秋兔潤臆竦鳴雞金鑣響  
玲瓏玉校光高低促韁合組繡脩策琢玻瓈顧影欽逸  
足迎風鬱長嘶不逢王武子與解錦障泥

晴春厭密處駕言出林坳捨車步衡皋緩帶遵蘭汀長  
林合葱蒨綠陰透虛明上有遷谷鶯下聞求友聲風和  
黃舌穩薄暮耳猶傾歸輶俯俄景脩路尚安行華鋪閉  
深院嘉樹列前庭高梧蔭綺窓媚柳拂朱甍安得谷中

侶晨昏此飛鳴

迢遞長江表崎嶇青障間  
瑞草雜野卉吐秀莫窮看  
馥郁誰與竒細碎如等閒  
荆榛共榮悴樵牧幾摧殘  
殊鄉採嘉聲十里輶名園輕舟走彫檻  
文砌薦朱欄芳華未盈枝傾都已  
醜顏疎叢乏葱蒨薄采媿朱殷  
珍賞占芳時野客更舊觀  
試問蜂和蝶何如蕙與蘭

江梅燦瑤琨緒風未成和  
紅藥簇雲錦韶光已蹉跎  
臘寒苦難任秋陽暴如何  
寧知桃李樹乘春蔚娑娑  
二月

艷陽天兩京佳麗多五陵浮瑞氣三州翻綠波宮槐出  
華闕御柳夾銀河玄鳥雜飛舞黃鸝競鳴歌芳蹊展平  
練繁艷簇香羅浥露笑金谷迎風媚銅駝落英縱紛紛  
珍實已峩峩莫訝潘河陽盈城意靡他

纖纖蘭蕙甲青青揚柳絲草木有春華園林競芳時粧  
點貴銓次高下有推移連畛已端修茅蹊盡平治雕欄  
被丹雘文甃合瑠璃穿薄啓縈迂拍隄汎漣漪安排紅  
藥樹映帶牡丹枝蔓草既誅鋤秋榮亦芟夷碧蘆斷修

幹丹蓼剪芳蕤苞杞散不收叢菊棄如遺蘆蓼尚云可  
杞菊或未宜神功著西河嘉聲藹東籬朱實照金鼎黃  
華登玉卮暄涼雖異序榮秀各有期商飈掠春叢摧折  
誰能支

春華雜丹素芳心馥椒蘭蝴蝶採其榮交飛密為團輕  
鬚卷絲緒弱翅翦冰紈栩栩婉有容飛飛閑可觀深叢  
密依倚曲徑恣盤桓日昃芳氣消露晞黃粉乾繁華未  
零落幽意已闌珊

中和嘉會日名都肆廣筵華榱蔭簪裙樽俎森盈前主  
賓興方諧威儀曾未愆鳳簫密銀黃瑤琴掩朱弦衆優  
湊廣庭跕躡颺回旋被服佻古製咿嗚操方言鈺鞀雜  
鳴擊促數競喧填歌舞養心耳心耳今煩悵恐非君子  
音不足延永年

和孫秀才醉中二首

封人祝多子患寡不患小林慮行且歌自喜身已老五  
月日可畏不踐門前道北窓足虛閑清風颺然到况有

樽中物玉山恣傾倒  
黃河或可斷  
世事未云了  
吾鄰有達士  
時得問話言  
寄身杯酒間  
萬事不復論  
大嚼青精飯  
高岸白綸巾  
愧非伯倫伴  
辜此羲軒民

瀑布

蒼崖入青冥  
飛泉下巖頂  
薄風春雷怒  
照月秋練迴  
清潤冷書幌  
輕柔媚茶鼎  
揮弄自忘歸  
賞心意誰並

橫山

戶外片山橫  
長蛇勢繚繞  
林疎無鷲獸  
海近多鷗鳥  
雲

金定日序全言 卷四  
氣弄晴陰煙光媚昏曉坐中見樵采隱隱下林杪

懷嵩亭

原注亭在新  
安縣舍後山

嵩高維神嶽峻極上霄漢臨登信舍地庶入朝夕觀垂  
簷碧雲低帶戶前山亂何日見愚公神棲夢輕斷

適南亭

子真理照地千載委榛莽知音久未會遺蹤寂誰賞華  
堂始基構皂蓋日來徃高風邈已遠茲焉競長想

河南運使柯少卿用廣西提刑曹司勳遊嶽麓

寺韻送廣西行俾令同賦

昔聞湘西寺夢想投雙脚身境隔楚越攘臂無由攫此  
日陪勝集當年意彌廓山環秀色遠地勝真興託赤日  
朗泥金彤霞煥塗獲追隨得後乘登頓閑芒屨窮幽際  
高深歷險遵厓堦北斗近在手南溟消一酌天風韻球  
琳世味羶醴酪躡屐想王謝登舟成李郭欣戚起參差  
去住同紛錯常時惜聚散靈襟費恢拓契理在相忘言  
志亦盍各無然結惆悵聊用聆談喙况當擁斧繡不類



居榛壑金石雖欲流風雲正相薄  
舜華夕則隕蠟味淡可嚼照坐  
蘭玉明揮翰珠璣落青嶂繚雲  
構紅紗羅蠟燭景勝語難工柔毫  
幾頻閣

早發京口舟中

解維去北固挂席指西湘  
秋江迴以朗物色見毫芒  
蓬窓列遠岫天際揷連檣  
鷗鷺簇寒沙蒹葭肅初霜  
千里伊此始扁舟前路長  
路長念行遲家遠情難忘  
回首東南引朝陽汎滄涼  
稽山不可見况復梓與桑  
日月無停

晷星漢迭回光人生天宇間安得戀故鄉徒勞非所願  
薄言奉高堂念昔楚與越相望若參商山川有分守出  
入多譏防道泰共家國路夷闢關梁勉從四方事及此  
筋力强羈宦真飛蓬飄颻隨風翔遠近不自我東西竟  
何常君子貴知命世路各有方

巫山神女詩

巫娥美無度綽約姑射倫冰雪照肌骨被服丹霞裙蘭  
膏皆臭腐天香有清芬手提瑤華枝乘鸞弄氤氲緬邈

相光彩杳然喪塵紛楚王夢見之三歲情如醺伊人竟  
何許宛在陽臺下宋生未見稱朝暮自雲雨

襄陽道中望鹿門山

龐公昔避世全家入翠微空遣山下路不知今是非高  
風久寂寥世路誰與歸山頭日欲落搔首重依依

采石

夜暗梟狐響天明蛟蜃伏君子貴知幾乘時介多福中  
原昔不競淮海波濤蹙高視孫仲謀雄心冀前躅大明

將昇騰氛祲先驅逐周師東南指淮溼歸亭毒遺燼倚  
江流熒熒怯風燭真人方遠畧墜緒勞君續後至祇取  
羞先迷庶能復時雨動民望遠猷走辰告密筭結浮梁  
長驅踐平陸敵氣沮飛渡軍勢乘破竹鱗羽不及張巢  
窟駭傾覆百年厓石稜鐫刻猶在目風濤杳不作水落  
秋山足留與釣魚舟穿維宛相屬由來一帶水未勝長  
城曲道梗叛或易時清去還速何必鑿秦淮佳氣自消

縮

銅陵阻風

常言秋冬交沂江便風多我行已旬餘有風不生波直  
道不敢往曲港傷逶迤昨日始張帆騰凌越盤渦脩途  
驛未歷寒日景已俄夜半轉巨橐驚濤擁蛟鼉天明更  
雄厲尋尺不得過密雨喜初霽整衣起婆婆倚檣玩輕  
鷗遵渚踏寒莎羨望東行舟飛帆峭嵯峨回數挽引日  
多少唯與阿行止風在天天為謂之何欲歎翻自笑聊  
為阻風歌來日如未已且用資吟哦

欽定四庫全書

雲溪居士集卷五

宋 華鎮 撰

古體詩七言十四首

書李西臺詩帖

古來論書如論馬不看皮毛看筋骨赤驥雖瘦神彩駿  
骨筋強竒氣突兀點畫筋骨生筆端昔人小伎不自忽  
用筆臨紙如用兵敵陣深攻橫馳突水墨淋漓無顧藉  
鋒毫來往輕陵捩阜鵬蒼隼搏秋天老蜃長蛟結幽窟

李唐末年天下亂劔戟縱橫文藝缺鍾王遺法散不傳  
二百年來更蕪沒臥豪側管不到紙狐渡春冰輕窻窳  
尋蹤貌影見形似坐擬前人已超越禿盡南山千兔毫  
妙絕曾無一毛髮西臺老李得古意揮洒工夫通恍惚  
昔聞已覺心思啓今見頓使蒙蔽發縹緲欲卷更復開  
明發臨風到華月

次韻和湖南運判司勳曹公衡山行

大山隱隱橫如衡北與常嶽當天經發竒吐怪無時停

旦暮生氣凝紫青  
隆隆翠光照南溟  
是為朱陵赤帝庭  
竒峯八九羅明星  
真仙宴集通層城  
飛樓疊閣到絕頂  
環回照映真雲屏  
流泉夜逐銀河傾  
危石上與撐機撐  
輕輿飛蓋不知峻  
來往常見林梢盈  
炳靈彌世動宸扆  
儀物嚴奉侔朝廷  
天章國寶萃神異  
金華墨彩光崢嶸  
提封奄有神仙宅  
星軺部按經雲扃  
傳經俯可拾青紫  
攜華早合登蓬瀛  
肯跨蘇耽嶺頭鶴  
輕逐浮丘吹玉笙  
暫將勝具擬玄度  
行與大帝調六英  
漢庭已當思汲黯



紫垣歸次光晶熒尋源況曾到雞足根塵洗盡丹臺靈  
宰官應世通有誠飛雲何意超鴻冥玄珠不獨罔象得  
白雪一點洪鑪生詩豪墨妙天許并雲崖蘇壁增新銘  
紫虛羽蓋飄玲峴湘源寶瑟鳴蘭汀蛾眉旋顧若自失  
霜威一肅春華零琴高睥睨不敢請遺鯉失步奔長鯨  
平反犴獄成虛囹姦豪斂社無辜寧隨車靄靄留餘馨  
千里卷盡重雲暝威形不習西門豹襟風遠析湘人醒  
自憐匏繫致身誤遲日坐費三春晴况無氛翳動精稜

照乘惟有仙花明日邊應許留姓名雲車未間相逢迎  
花源深處尋遺氓枕泉漱石窮幽清拂掠朱鸞毛羽輕  
朗聽日轂聲鎗鎗誰知信舍遠千里胸中浩氣高難平  
翰林一想天姥起當年飛夢三更成便欲登臨雲頂寺  
俯看練帶瀟湘橫驚聞佳句得交珮傳寫寶祕勝韋巖  
清新自是文章伯飛譽高華由妙齡美如時雨恣飛洒  
有聲着物皆欣聽河流萬里勢不息曲折細可為章程  
大匠斤斧何經營良賈厚藏非力耕鋒鋷鋸利新發硎

文彩繁縟森華纓洗心吟玩曾未再已覺兩腋生羽翎  
千巖萬壑向中盡此身如在衡山行

雲溪行

按紹興府志會稽縣志皆無所謂雲溪者考若耶溪亦名五雲溪唐徐浩遊此

歎曰曾子不居勝母之里吾豈遊若耶之溪遂改其名疑雲溪即五雲溪也

雲溪發源自雲門千古流注越山根城金河玉雖已遠  
南來波浪長崩奔蒼崖峭壁三十里翠煙紫霧籠寒水  
往來鷗鷺逐波頭出没魚龍穿石齒清時有客寄扁舟  
長嘯日來溪上游緩教霜翮追清曲漫引輕絲下碧流

有時醉臥閒雙槳不知船逐樵風上挹盡千巖曉氣清  
聽我萬壑寒泉響無端側耳鳳凰鳴却跨青鸞上玉京  
流連丹桂三秋色辜負寒松半夜聲十年南北何擾擾  
咫尺溪頭不成到幾回魂夢似當時夢覺尚疑雲滿抱  
今日羈縻江海曲折腰翻為斗升粟山頭日落見雲歸  
自怪此身何局促皂雕萬里在一飛蛟龍未必藉溝池  
風月好時心似水嘯歌聊可解人頤

梅花

當年杜老對梅花曾憶何郎淮海作今日江城歲云暮  
還思杜老歌東閣春風冬雪三百年中間梅花歲歲妍  
清才一往不可見惟有凌寒曉粧面

燈

細風吹雨霑疎幕夜久燈青寒盡落未言金椀沃龍膏  
且免鄰牆旋彫鑿淄川老翁牙齒疎四十始欲披儒衣  
况是雙鬢青絲好不應便作衡門老他年清切許雄飛  
人間萬事隨動輒不獨千枝照羅幕廐溷蠟淚當成堆

吾鄉先達少陵後功名爭光臯與伊虛齋一盞半明滅  
賓主清談到明發

叢玉山

按叢玉山在會稽縣東北  
三十里與石城山相連

山中水石有東巖西巖石徑石峯月峯天柱

峯交雲峯落星峯仙人峯羅漢峯仙隊峯露

天池合巖石石臺金櫃峯北巖碧雲峯芙蓉

峯蓮花峯戲龜峯師子峯金魚峯石鼈龍吟

峯伏虎石山中亭宇有雙巖亭快覽亭邀月

亭迎暉亭迎仙橋翠筠庵招仙亭晚光亭

石城深沈有神櫝蒼壁青圭森矗矗榛蕪未薙見圓石  
沆瀣初披得叢玉寒流噴薄洗煩慮翠光斂舒瑩人目  
兩巖神化瑣煙霞一逕天成徧厓谷朝陽杲杲亘東嶺  
夕陽亭亭載西陸拄天峻極天為低交雲拔起雲常簇  
風箕雨畢列華藻木客雲娥儼儀服應真示相契空門  
洪厓脫身度塵躅露天池寒星斗簇合巖石暖莓苔綠  
石臺登眺多春容金櫃緘封富竒蓄幽竇懸泉歲清淺

碧嵐如雲日紛郁蓮花風度夏香深芙蓉露裛秋華肅  
靈龜戲游物自壽師子雄騰誰與逐金魚燿赫待時雨  
石鼈鼎鬲依蒼麓滿川雲起老龍吟虛谷風清雕虎伏  
主人天與經綸器才名早在神仙錄清時北闕方我須  
雅興東山難自速脩途未許頓長轡勝地何妨揭華屋  
雙巖挹秀左右逢快覽凭高心眼足夜邀秋月得丹桂  
曉迓冬曦看若木飛梁續徑壓蒼磯投隙團茅繚脩竹  
雲軒芝蓋俯可揖水色天光濃溢掬綠野篇章惜未多



輞川圖畫今能續披圖已覺思超越過眼應忘身跼東  
華編今日許聯詩芳徑何年容秉燭因嗟輕別五雲隱  
長思起效三閭卜分知方外學屠龍不及人間謀刻鵠  
魯國也欣三釜粟梁園倦游還憶蜀葛洪平昔志丹鼎  
子房雅意捐嘉穀願登天路青雲梯長聽仙翁紫芝曲  
徐元立出示李父龍角水壁詩邀予繼作因成  
長篇

龍德神變通盈虛孕育乃與鱗鱮俱被鱗戴角形非無

飛潛食息皆時須太上道德體未刳神物咸萃天王都  
垌林苑圃馴騶虞宮中高閣鳴鸚鵡玄龜負卦洛水隅  
戴因之獸游廣途此時應龍如鷗鳧翔泳宮沼何舒于  
庖犧正位膺乾符是出德水呈神圖彛倫九叙時紛敷  
蒼白紀官各有呼皇風綿邈雖已徂下至虞舜成帝謨  
豢御世守職未渝節時飲食如哺鳥玄冥失職水正蕪  
物乃坻伏潛天區耳目接識非朝晡疑無驚有無智愚  
葉公好尚俄有孚真物來止還驚吁遺鱗脫角時可俘

世俗往往疑見誣淮上乃有桑門徒曾見得之青草湖  
紺鱗兩葉角一跗坳洼猶見藏泥塗堅質溫潤如荆瑜  
冷光凌亂侵琨珷我疑仙客催盤盂乘興擊破鴛鴦壺  
又似石尉務豪麤醉中敲折青珊瑚此物殊觀惟可娛  
得名非似齊人字但恨不見真形軀冥飛杳渺何能拘  
昔人市骨求駿駒母在文駟交馳驅靈德况與魑魅殊  
沈潛非為禹鼎模喬岑十疊窮崎嶇鯨波萬里不可逾  
驤騰此地踟躕有時亦肯游潢汙悠悠自非真丈夫

無能駕馭登雲衢時注甘雨蘇焦枯六月不用商人零  
陂杖一擲生頭顱壁梭亦與風雷趨洛浦鳴琴致綃姝  
洞庭吹玉來寸珠豈如蟬竦無肌膚雨餘成象才須臾  
當知鱗角非怪迂聞語無用空揶揄

次韻劉三秀才瑞香二首

南枝碎玉飄溟濛春光次第海天東紫囊夜發香中瑞  
芳蹊不用天桃紅開謝忍從風日下形容聊寄殘毫中  
珠玉交輝色璀璨瑱簫迭奏聲和同園林光價遠莫擬

造化機權疑未公會須折向玉峯去追隨鳴珮搖天風  
玄機冥運依鴻濛執規歲歲來司東乘時剪裁馭大巧  
梢頭幾度鋪青紅匡廬幽香誰見賞直須為瑞芳華中  
餘寒未盡已爛縵似領千花修會同貴名舊尊木芍藥  
第品應許居上公願分靈根徧四海充塞天地皆香風  
道守董公重成寇公樓集宴僚屬因賦長句

九峯翠滴天光曉

原注樓面九疑

日射三川波浩漾

原注瀟營沱三水會

於樓前

朱門畫戟古城西岑樓新駕長林杪飛藥壘染橫

紛錯重覆交疏深窈窕幕開碧落四垂低屏列好山千  
疊遶臥聽羲馭轉輾輓坐看星車回縹緲歌微動薄  
寥虛樽俎平鋪俯蘿葛耳前燕語得其所目外鵬圖莫  
之天簾翻江日酒霞鮮窓度天風香穗裊平昔萊公此  
棲止目窮佳麗真明瞭雲歸自昔故鄉非日低誰念長  
安杳帝居閭闔深難叫世路風波古瀰渺飢烏得食嚇  
鷓鴣嫫母在宮憎窈窕干將莫耶不惜折威鳳麒麟恥  
羈擾北瞻曾冠拱辰星南飛却過隨陽鳥彭殤滔滔不

足問榮悴冥冥未宜了沐猴纓弁竟非真明玉在塵終  
自皦百年同氣妬賢守抉隱搜遺思遠紹網羅勝賞得  
偏多懷想高風情不少鯢蟠陳迹久寂寞虹揭畫梁重  
天矯已知青竹播馨香更看華榜延光皎自憐值遇分  
濩落重此登臨思悽悄舉目頻驚五嶺明回頭却顧長  
沙貌局促可能參庾亮清平豈是依劉表楚天不斷故  
關迷危欄倚徧前山小

新開河

淮山畎澮奔東海注作陂池地形改濁水曾無五尺深  
驚濤便欲千尋駭人魚漏網逞宵臆老蚌乘陰弄光彩  
東風吹斷西來流見爾枯虛當可待

如意院井詩二首

太平興國古佛刹小院得名如意輪何人默識原地脉  
鑿井正會甘泉津闊容三尺白銀甕深可二丈青絲緝  
夏涼未覺冰雪冷味美不啻醍醐珍寺僧知愛不忍惜  
汲引無間都城人鳴鐘聲歇更漏促天雞初報扶桑晨



側肩接足負擔者排闥爭湊蒼苔屑絲瓶上下掉孔急  
語笑嘈雜春雷振永日迢迢既云暮健夫噲噲皆嘖呻  
萬人已喜用周給一泓依舊清滄淪

井德本來無得喪居遷乃見井有仁深穿闊甃世不少  
聞名索實多非真潢汙方集已登榦驕陽未久先飛塵  
盈虛既與陰晴變安用華屋床雕銀崇寧元年五六月  
僦居偶在寺井濱曾經畏日曝累朔亦見霖雨傾彌旬  
碧痕澄澄古甃上消長不改蒼龍鱗莫嫌營置近闌闥

莫厭資取多紛綸深院無人轆轤靜焉知此井常清新

李光道見過贈詩

高槐上拂青天面枝疏不得驚禽戀槐下官曹何冷落  
去馬來牛色多倦春風綠楊暗虛室秋雨蒼苔鎖深院  
三見牆頭梅子花一字不畫塵侵硯宛如太古兩相忘  
况復飛蓋追遊宴有時獨詠西園詩想像清風情眷眷  
門前忽報華軒過邂逅開懷如昔見目擊便嗟相得晚  
更僕清談盡黃卷顧我迂疏何所取似君秀穎迺可羨

少壯應須努力時人間歲月如流電

寄贈永嘉鄭先生

滎陽人物世仍有文雅風流傳已久廣文獨步天寶年  
才名曾在諸公右新詩高陪屈宋遊神翰遠與鍾王偶  
更覺丹青到微妙獨將造化爭妍醜一封入奏蓬萊宮  
三絕題自君王手當時盛事雖云遠今日高風曾未朽  
親逢夫子滄海頭重起清芬百年後倦遊不肯依梁苑  
尚德自甘耕谷口方外聰明已木雞人間事變皆芻狗

子雲寂寞守儋石靖節軒昂遺五斗不試惟令曲藝工  
久幽更覺機神厚詩情渺與江湘迴畫筆能教鬼神走  
論工子建已知親較勝長康未應負所嗟藻鑿閩楚越  
猶使佳名在林藪邂逅雖知近巖壑栖遲尚苦拘塵垢  
明明冰玉長在懷望望煙霞屢驥首何日傾心聽誦詩  
他時洗眼看揮帚狂歌且寄草堂客佳句終慙杜陵叟

人進其貴財中其信其德地以味以靈筆其於中其  
 七靈其美其德以誠明其德也其在卡不為今由其五

欽定四庫全書

雲溪居士集卷六

宋華鎮撰

古體詩 七言十五首

陪和守宴城樓罷留望江山懷古

歷陽城樓多好風南來和雨飛  
溟濛齊紈四座寂不動  
六月酒面魚鱗紅鈴齋無訟  
日多暇時引大旆摩晴空  
賓來不問禮數隔披襟倚檻欣  
迎逢平蕪不斷楚天闊  
無數好山來望中伊昔重瞳顧  
寰宇八千西渡皆貔虎

叱咤風雲五六年蓋世拔山寧不武力盡江頭已蕭瑟  
秋風未央亦未黍亂世英雄氣頗麤當時還羨紫髯夫  
箭重舟偏徐轉拖舟中賓主亦歡呼龍驤露撓下三峽  
春草不合臨平湖衣帶縈迂寧足倚挑葉渡之勝一葦  
三閣香消春夢殘空傳玉樹江南女人間萬事無妍醜  
過眼紛紛盡芻狗祇有江山似舊時從來却落魚樵手  
懷春悲秋徒自苦浮雲去來我何有鳴絲索竹間清唱  
當軒更有盈樽酒清時勝日臨高明未愧黃金垂六鈕

永嘉巡檢張侍禁解舍闢洞名黃石

原注國朝孫吳攘苴

兵法六韜黃石公素書尉繚子李衛公對問為七書試武士張君之子時中其選

下邳逋客赤松侶興薄雲天寄廛市五世鳴鐘不自矜  
肯向人前進遺履素靈將傾赤精奮羽翼當資天下士  
夜半慙慙授素書歷歷商郊阪泉旨西過陳留得沛公  
雲蒸龍躍相因倚剪羸傾項成帝業廟謀勝美皆予起  
漢家明堂窮壯觀楹棟能收真杞梓清塵獨步千載上  
名實誰可繼其美君家緒系出南陽世服戎衣登祿仕



鳳毛益使家聲振新以七書見天子君居无事若山居  
退食小齋日經始茨茅塗土完且潔栽花接果盈階庇  
風月江山散不收標題黃石寧虛爾應懷祖武日自礪  
功名將使旂常紀今日中原久太平頌聲交作干戈止  
南過銅標束帶方玉帛梯航餘萬里惟有祈連及賀蘭  
朝廷未欲知疆理儻推漢幄從衡術定遠將軍何可擬

南嶽僧仲仁墨畫梅花

世人畫梅賦丹粉山僧畫梅勻水墨淺籠深染起高低

烟膠翻在瑤華色寒枝鱗皴節目老似戰高風聲浙瀝  
三芭兩朶筆不煩全開半函如向日疏點粉黃危欲動  
縱掃香須輕有力不待孤根暖氣回分明寫出春消息  
大空聲色本無有宮徵青黃隨世識達人玄覽徹根源  
耳觀目聽縱橫得禪家會見此中意戲弄柔毫移白黑  
佳句慙慙致兩番深情邂逅高雙璧不愁開謝逐東風  
全勝當年隴頭驛

咏西施

浣紗溪上浣紗女野服山花照寒水含嚙慘淡不勝愁  
猶使東隣駭西里山鳥淵魚無定識俯見潛逃仰驚起  
矜花睠月春復秋長恐朱顏成暮齒君王掄選入吳宮  
吳宮寂寞無桃李笑容一笑君意傾宰嚭言行子胥死  
姑蘇臺榭游麋鹿闔閭城闕生荆杞蛾眉倩盼應自成  
築宮教習胡能美當時掩抑無人顧今日為君除國恥  
君莫怪駮驥鹽車弭耳時誰人不作駑駘比

次韻和劉五秀才重陽不見菊詩

黃花長汎重陽酒今日重陽花未有莫傷節物此時非  
少陵已歎移栽後江梅滿枝春未來紅藥開時春却歸  
春前春後各自得化工無私人莫測明日籬邊金蕊黃  
未應埋沒隨風霜高堂滿汎黃金盞相陪何用茱萸囊  
贈別越帥蔡侍郎五十韻并序

某啓某伏覩知府鈐轄侍郎待制新建月堂  
尤得臥龍之勝佳致滿目清宵益竒四時具  
逢賞適無二政成多暇日引賓客登覽東南

之美嘗許疏賤陪侍坐末今當捧檄湖外遠  
違樂郊追想前日樽俎之間樂事美景茫然  
如鈞天夢回無邂逅處雖他年東歸月堂如  
舊而玉音冰質當在具瞻之地杳如天上夙  
難復親謹吟成月堂長句五十韻繕寫呈獻  
雖不足以形容物色冥邈標致聊以達思戀  
無窮之意伏惟台慈特賜省覽幸甚幸甚詩

曰

飛廉鼓橐開氛霄玉龍盤礴堆蒼岫雲崖左壁出高壙  
環回占盡東南秀高瞻牛女提封闊下瞰閭閻煙火富  
紫青巖壑敞屏幃金碧樓臺錯紋繡城西半規日欲落  
天東一縷雲如鏤人間未覺桂華昇林梢先見金波溜  
冰輪冉冉經箕斗碧落沈沈失星宿清光不斷萬象呈  
目極塵寰了無覆扶桑欲曉天雞唱玉珮丁東咽殘漏  
西南松桂碧參差寒金碎玉高低透春和二月融青宙  
紅紫千花簇繁囿香潔蜂蝶夜不知暗和清影凝羅袖

暑雨晚隨虹影斷炎威夜逼餘輝逗南湖拂拂起輕颿  
鑑光千里冰紈皺星流一葉高梧下玉刻千峰晚山瘦  
桂子香凝零露溥兔毫冷咽飛泉漱六花舞絕平川壤  
萬樹玲瓏綴瑩琇凍雲收盡一輪寒光華上下清交鬪  
明眸朗鑒古難偶許謝登臨亦虛覲勝地埋藏祇自竒  
千年林下輸猿狖儒家宗主中郎裔早挾春華甲英毅  
量濶難窮渤澥遠德馨未羨椒蘭臭青雲有路早徊翔  
要津策足頻馳驟旒宸傾衷聆玉振經綸溢耳擬金奏

暫虛法從牧遠民大旆高牙會稽首庖刃從容經肯綮  
鵠卵無勞魯雞伏探幽索隱有餘工逸勝遺竒落精究  
意匠經營誰與相壺中風物真天授霜斧晨開蔽日林  
虹梁晚結飛雲構軒窓四闢洞無物林嶺旁來遠如走  
佳名一字既惟新寶墨八法曾非舊鵲返鸞徊美無度  
龍跳虎臥雄相湊何地通宵得佳致誰人忘寢臨觴豆  
西園物色難重逢秉燭詩詞漫三復華堂有月終年好  
月下樽罍溢醇酎坐令越絕山水佳日添光價高難買



五雲溪上綸竿手誤指王圻攬纓綬畫虎年多愧未成  
屠龍伎巧傷難售清時支離逐斗粟樂國淒涼寄圭竇  
結巢未忍息南枝倚輶何計登華旣片颿隨牒西南邁  
塵滿儒衣色多垢文麗難忘反楚騷魂交尚冀親南狩  
昔人富貴志已得越吟清切傷微疚今人徒勞情若何  
玉壺慷慨臨風叩飛蓋早容陪後乘曳裾屢許登文甃  
煙波滿眼始憑凌談笑回頭難邂逅吳會他年見桑梓  
荆湘數稔色霜袖鳴珂應在白沙隄菱舍徒瞻碧棠茂

萍迹漂漂渺難繫蓬心恹恹紛奚就九疑三五夜晴時  
為想堂前皎如晝

田園四時

春

曉來風信從東轉風中春氣生微暖隴頭殘雪已全銷  
麥苗漸見青青滿土脈膏疏日舒緩鋤犁但覺塍畦短  
桑葉生陰布穀鳴可使流光容易晚

細風吹盡桑黃紫綠暗柔條添旖旎晚來逐伴望林梢

三星便欲當辰巳節過清明未云遠碎髮新蠶已盈紙  
遲日融融暖有餘早晚應須候眠起

夏  
原闕

秋

萬頃秋來雲葉黃瓜田起盡築新場茅簷昨夜微霜下  
天高氣爽風日強明星未上腰鎌去歸路不辭乘月光  
隴頭薄暮片雲起明日晴陰未可量

階頭露草珠盈縷門前促織分明語日午簾帷氣已清

香肌暗喜消殘暑蚊蚋無聲燈火冷已將紈扇歸巾褚  
更長便合促鳴機月白何妨弄砧杵

冬

田家歲事霜飛後五種收成十分有征輸早了吏不來  
柴荆晝掩閒雞狗兒童飽暖歡呼走堂上樽壘湛春酒  
力耕歲晚足餘歡五陵裘馬真遊手

朔風吹水成冰堅風壯冰堅白於練霰雪還隨密雨來  
轉眼紛紛滿溝埧陳根凍爛還為土土落田中肥一半

霜鏹去手即須耕敢望東風待冰泮

粉蠟梅梢妝蓓蕾雪晴烏鵲聲零碎蘭堂晝暖浴蠶天  
百果流芳噴寒水春事望春須準擬臨風不惜呵纖指  
寒日頻添繡線長百五光陰已無幾

題桃源圖

枝頭巧語聲高低波光葱蒨深柔荑烘燼日暖金鱗動  
漁舟蕩漾沿芳隄淡紅片玉滿流水中有誰家桃李蹊  
刺棹沿洄忘遠近山重水轉迷東西金豪瞥見林中犬

玉羽旋聞隴上雞相逢巾屨如圖畫驚聞有客爭邀攜  
穿花行到花盡處華鋪畫敞同攀躋簾櫳炫焜鬪金碧  
樓閣玲瓏凝紫霓瓊杯石髓甘如醞碧桃瑩膩堆玻瓈  
慙慙歷問塵寰事聞說興替聲如嘶自言疇昔避閭左  
鄉鄰負抱謀巖棲入山惟憂山路淺穿雲涉水隨磨麝  
山深遂與人境絕回首但見雲萋萋年年桃花又桃實  
不聞劉項鳴鉦聲當時祇恨棄桑梓此日却悟凌丹梯  
酒闌歷覽煙霞外天風淅淅鷓鴣啼塵羈世網遠心目

年齡便可乾坤齊俗緣如瑕滌不去荆布還念糟糠妻  
思家欲歸歸却悔憶路重來來已迷碧砌朱欄無處覓  
溪長煙草寒淒淒玉京雲路今何在十年圖寫傳縉緹  
高堂衆客一經目盡願乘景騎狻猊祖龍虐政猛於虎  
療飢消渴資黔黎霜髯黃口不相保四海慘戚如牢狴  
當時人世無居處往往雲壑為中閨竄身幽側寧所樂  
骨月苟免資塵泥種桃為食不如黍豈惡芻豢忘烹割  
全家邂逅登金籙此事渺忽無端倪清時汪濊下膏澤

浸潤生齒如孩提日長不使舖糠粃飯炊彫胡截馱  
歲寒豈獨完袒褐霧縠衣裘雲錦袿翦除敗類毓良淑  
宛若嘉穀純無稊干羽雍容絕征戍春來處處操鋤犁  
今人不似秦人苦寄身何用武陵溪

失題

蜂鬚萋蕤花脫萼粉蝶流鶯何處着暖融密卷玉為掾  
一點明星坐中落猩脣血重鮫綃薄百出寶蓮金鈿錯  
蕙蘭不斷起長烟餘香隨風度羅幕天階漫激鳴籤響



壺中不夜春常若何人天外引長繩剛愁日下西山脚

欽定四庫全書

雲溪居士集卷七

宋 華鎮 撰

今體詩

五言律五十二首

嶽麓寺

衡嶽到江盡招提嶽秀中飛樓上喬木清梵俯冥鴻鶴  
去泉猶在臺存法更雄望終三楚勝清興迴無窮

原注  
寺有

白鶴泉法華  
臺會勝閣

道林寺

疎鐘到城市臺殿隱脩林訪古多陳迹探幽愜賞心夜

聲寒溜碎曉色翠煙深自愧縻塵鞅驪駒又見尋原注寺有

井陶公

齊無已書堂

騷客高吟地山僧指舊基虛堂非昔構清景是當時石

甃流泉漫松軒度日遲脩魚有餘樂池上竟誰知原注堂在

道林寺已公詩云園林坐清  
景梅杏嚼紅香即此地也

湘江二妃廟

帝子靈祠古秋風更寂寥門臨湘水迴路指舜陵遙寶  
瑟知何在英魂不可招年年添淚竹遺恨未應消

長沙王廟

原注墓  
在廟西

秦吏方搖毒君王獨得名國雖為地小忠亦自天成秘  
殿儀容粹立堂草木榮興亡何足道青竹有嘉聲

賈太傅廟

夫子生何代漂流正所宜長鳴那易賞合抱固難施碧  
蘚封遺井丹楓落舊祠日斜飛鵬過依約賦成時

畫眉鋪

湘楚窮愁地何名得畫眉不因啼鳥目應記剪燈詩  
逐客傷憔悴征人困別離風流京兆尹寧復此飛馳

愚溪

瀟湘同瀉處一水亦東傾屈曲游龍勢玲瓏夏玉聲傍  
城無暫濁當暑有餘清楚俗真懷古猶傳夢客名

無生菴

原注龐老故居  
在衡陽城南

大士今何在空山舊隱存百年閑蘚徑終日敞塵閣砌

暖晴添草窓寒暝叫猿當時團坐客相顧竟何言

雜詠

上下契如如忘機示有為室虛牕潔素塵盡地平夷社  
燕添新土春花發舊枝此中君莫問自有海鷗知

永嘉巡檢廳竒竹

并序

永嘉巡檢舍中生竒竹數本雖在宇下而扶  
疎蒼翠倍於林藪又聞夜輒零露淋漓槃盂  
張君侍禁索余作詩因書四十字以賦之

脩竹起春陽，猗猗出畫堂。  
孤根穿密甃，高幹倚飛梁。  
色潤牕紗綠，煙和印篆香。  
傳聞尤異處，清夜露瀼瀼。

和孫秀才與弟醉飲

醺酣歸至樂，麴蘖古來賢。  
荆樹同株日，蕭齋欲雪天。  
傾顏叔夜玉，臬兀季真船。  
熟覽新詩意，依稀識道筌。

題黃主簿足軒

枳棘久棲遲，新齋樂有餘。  
尋垣栽草木，疏沼引龜魚。  
外曲遊塵世，情高適太虛。  
紛紛簿領退，滿目盡琴書。

東海

誰謂滄溟遠吾家曲檻東  
靈潮隨月長積水與天通  
白鳥長沙外青峰薄霧中  
星槎在何處屈指待秋風

聞韶亭

重華祠宇下危構壓山椒  
壁石因天設茨茆得舊條  
雲山排筍簾風竹度笙簫  
想見來儀羽飛飛下沈寥

會景亭

此亭會清景登眺適襟靈  
煙瀨鳴瑤珮雲峰疊翠屏  
漁



樵分杳靄鷗鷺上青冥

末二句  
原闕

翠微亭

虛閣俯蒼麓飛甍倚碧岑  
鮮英環坐密青靄抱楹深  
秀遠開塵目清明契夙心  
帶星宜所慕聊此叩徽音

棲雲閣

高閣倚蒼岫山雲且暮棲  
冷凝半榻穩濃拂遠燈迷戶  
轉星樞直窓移日脚低  
登臨人莫厭尋取上天梯

秦淮

渺渺方山道江流一派通寒沙翹白鷺夕靄暝丹楓平  
截埋金地虛涵建鄴宮六朝乘王氣疏鑿竟無功

澄瀾閣

飛欄跨喬木危柱枕蒼磯石漱溪聲碎林分日影稀正  
宜逃暑氣聊用解征衣欲去重回首清風滿翠微

元祐六年秋夜泊震澤時漲潦未盡牽道斷毀  
仍阻風

四顧水平扁舟竟日撐孤村聊可艤薄暮不成行雲

重魚龍起風高波浪驚無心就衾枕坐看月華生

君山

特秀起平湖秋空照日孤無塵接南楚有路到東吳聚  
翠時濃淡長林半有無未能尋勝賞飛夢遶煙蕪

狼山

長江到海處獨秀峙江干平野根雖闊驚濤迹未殘高  
環僧刹穩翠入郡樓寒千里吳王國臨牕仔細看

洞庭

險固三苗左茫洋七澤西山光千疊小天碧四垂低風  
便修途近波驚跬步迷誰知魚鳥樂不復待靴鞞

李仙姑舊隱

雲卧人猶近團茆迹已空秀巖孤海外修竹冷江風笙  
鶴今誰賞星河舊隱通何當見金碧華采照淮東

密雨

昨夜好風月須明陟路歧陰雲生隴上密雨滿天涯豈  
患泥塗惡難堪僕馬疲却愁期會失心緒亂如絲

桃竹

栽竹不栽桃非關閬苑遙桃花半春落竹葉無時凋  
照水靜蒼翠吟風冷飄蕭歲寒筠更綠雨雪謾瀟瀟

早梅花二首

并序

余往在會稽早梅花時雖蹠雪衝寒必先采

擷置研席間素華射窓流芳盈室絃歌其側

欣適無涯迨隨牒薄遊越江而北心賞一失

浸更歲時今茲春初梅榮南國慨然遐想千

里增懷作詩二章姑以自釋

早歲越溪上  
茹齋欲雪辰  
雖無十日飲  
常得一枝春  
不識霄漢路  
空縑京洛塵  
遙憐遠巖壑  
芳秀為誰新

畢竟成何事  
無端走四方  
年年思素質  
歲歲失幽香  
東國溪雲好  
南枝海日長  
何時一杯酒  
相對淺清傍

次韻酬劉處道

漂泊人間世  
幾鄰耳順年  
心愚願直道  
步蹇失英躔  
星列真虛忝  
仙枝亦偶然  
雄飛君未晚  
何歎續韋編

十瓣二色桃花

迴出成蹊類尤深造物功細攢重疊瓣勻賦淺深紅艷  
質平分異香心一點同武陵溪上樹虛占好春風

慶親堂和湖南運使程大卿韻

輪奐非謀已標題慶有親盈庖欣釜粟照座得言綸集  
富稱觴客寬容戲綵人遙知映階砌丹桂及芳春

思歸二首

湖光清似鑑山色翠於眉投老身須逸探幽計莫遲河

清不可待頭白已多時誰謂茆茨陋求安過一枝  
二頃何時有鄉園且結廬憑軒見巖壑閉戶得琴書雪  
幌冬鑪暖風窓夏簟虛非才甘退縮不是傲簪裾

送道守董朝散

史筆傳遺直經帷起世家一麾分郡寄千里藹春華鳴  
阪方踰驥言時已及瓜車塵杳難逐飛夢遶天涯

挽充守程大卿四首

名實時方會君臣德正同剗裁周庶物薦擢冠諸公金



口褒揚首丹梯指顧中榮途雖未既尋尺自初終

徊翔卿寺棘

原注公為太僕卿司農

轉漕楚江舟忠厚臨人大勤

勞結課優丹枝方習慶梁木忽驚秋天意寧無在于門  
必有侯

交遊敦久要賞鑒謝先容自愧非王粲人驚得蔡邕  
聖  
漫猶在刃舟壑已遺蹤不見星躔處空瞻馬鬣封

憶昨湘江上追風送使帆青雲方滿路丹旄忽垂繆燕

舞難重見霞杯不復銜

原注後堂歌舞之會累容參陪

遙憐三徑菊冷

落對雙巖

原注公叢玉仙  
隱巖尤勝絕處

壽蔡大資留守

四氣成功月三陽得數辰  
昂星還輔漢崧嶽復生申  
事業垂時會心源體道真  
燕來新賜第相賀八千春

挽嚴四府君

歲事時無失先疇手自耘  
克家親有養投老意彌勤  
方羨高年慶旋驚白日曛  
可憐墳上土仍占隴頭雲

挽鄭十一府君并夫人

君子言無玷夫人德有隣絲桐人世遠窀穸隴頭新粧  
閣開明鏡吟窓積暗塵西風原上路鳴鐸為悲辛

挽蔣尊師

少服羽人衣年耆道更肥未容青雀至俄駕白雲歸海

上蟠桃熟人間晚露稀空留墨妙在鸞鶴自翻飛

原注  
師善

大字

挽傅仲溫

人是南州老家傅北地雄忽騎箕尾去不待大丹功

原注

陸侍郎為君墓誌云常勵諸子為學未能如志願府君嘗以問我對曰讀書必效譬如服食仙丹未即見功後當有證又曰自古聖賢死皆不忘志氣在上往往傍日月騎星辰傳說是也府君實說之後裔華屋閑歌席長楊慘暮風已符同穴契寧復念孤桐

### 挽馮際道

令德稱鄉黨風流有自來能仁曾益壽善計亦豐財鳳羽彌增秀車門既有開祗憐原上路松柏莫風哀

### 挽周祖文

蠲辰臨遠日祖奠徹中楹寒月銘旌影霜風晚鐸聲夜

臺無曉日泉路斷回程已矣生前事空勞問代耕

挽馮戶曹

干祿名雖嗇承家實自肥身全五福美數過百年稀有  
裕居清世何嗟掩夜扉芝蘭更盈畹指日見光輝

挽陳朝奉

疇昔卿評事風流出後生早聯華萼秀先得桂枝榮守  
死尊文墨持平御重輕已焉休茹恨三鳳佇飛鳴

挽馮通直

功名早自期策足有餘貲世路多荆棘榮途失羽儀素  
絲寧復理青眼不勝悲千古秦山路霜風歲暮時

挽毛夫人

守義惟賢婦夫人更妙年紛華人自競始卒意彌堅善  
慶曾無爽家聲既有傳秀眉歸永夜無愧及重泉

挽鍾氏夫人

處號閨房秀歸稱內助賢豐華歡壯齒甘旨慶高年鄉  
譽良人重家聲嗣子傳道傍多健羨寧貴一潛然

挽陳氏夫人

純貞謝琢磨報施竟無訛義守三從固身膺五福多有  
言貽綵服無恨屬頽波行路惟稱歎寧悲薤露歌

下美事育壽夫人更收在仙華八日結汝平意誠生善  
中

不與影戲古如小樹出千古泰山後山風草墓節

似少平日眼等式何補世世出之開物結生夫

欽定四庫全書

雲溪居士集卷八

宋 華鎮 撰

今體詩

七言律四十五首

和光道元日書事二首

蕪城池苑盡荒殘  
春到長思競秀山  
谷口風和鷺已出  
天南日轉鴈初還  
千家簾幕峯巒上  
百里笙歌水竹間  
記得當年行樂事  
韶光不放片時閒

急管妖絃朝暮聞  
翠帘下應當壚君  
叫呼臬盧一百萬



砍削兕脯三千斤孔座嘉客每日滿楊園細草何須耘  
夜長秉燭可為樂春色三分未一分

元豐六年正月二十九日季壬生徐元立以詩

來賀用韻酬之

芳荆堂下兩枝長一本朝來產此旁敢謂他年當似驥  
且期今日得如岡顧余已免重占虺聞子還思待弄璋  
多謝見貽真錦繡歸時應得銜吾鄉

石筍

小牕西下碧溪隅  
片石干雲一筍麤  
蒼蘚長時斑點露  
老藤蟠處節痕紆  
不須凡木裝佳色  
自有靈花入畫圖  
為美又應勝竹箭  
堅高元與衆材殊

養竹詩

莫笑青青一兩莖  
春來次第滿林生  
露凝節目猶含粉  
風過枝梢已有聲  
拂拭且看霜雪幹  
剪裁當見鳳凰鳴  
繁枝去盡生微逕  
幾為清陰特地行

和光道春日雨寒

細風密雨冷相添  
天右餘寒勢未殲  
漠漠亂絲凝曠野  
涓涓碎玉下重簷  
凌晨預約陽光發  
入夜先聞霰雪兼

原注世言久雨得雪則晴霽

蝶夢未成歌寶枕  
銅壺聲咽凍孤蟾

元豐六年二月檢田凌塘中馬上口占因簡德

器主簿

强半春光未足看  
花心柳眼尚盤桓  
景陽不放融怡色

按原本融怡作蝸恬二字不可曉孔武仲詩云春色着人寒料峭日先生野暖融怡是宋人常以料峭對融怡

作蝸為誤

密雨猶矜料峭寒  
借問董工湮沮如何如  
騎馬按

岡巒幾番回首自惆悵可借江南一釣竿

和陳尉見貽二首

畫棟塵驚燕子來芳郊時雨斂輕埃須憐好景分明在  
為把愁顏勉強開仙客有情深賞物新詩勸我且持杯  
更言留得花王住忍放韶光取次回

燕語鶯啼次第新柳棉花錦曲江濱且將邂逅天涯客  
共看芳妍海角春須愛日添隨日線莫教花笑對花人  
一杯隨分休辭訴况有清歌激絳脣

食櫻桃思越中風俗

苔苔驅禽欲曉天筠籠輕摘薦芳筵檀唇深注胭脂紫  
琪樹勻排火齊圓醇蜜冷和甘益重小梅青近色增鮮  
花時南國豪華甚得爾杯盤更可憐

和陸彥則郊外初夏送客

紅英落盡紫荷長野岸陰陰暗綠楊過眼芳菲渾似夢  
感時情緒直如狂江臯有客懷雙佩淮上逢人賦乘黃  
顧我越吟方自苦可堪別曲念江鄉

檀籬

移栽野檀密參差來東垂時作短籬樹立已教存大本  
彌縫不使去纖枝春殘葉暗青雲合秋至花繁錦障垂  
家似長卿惟壁立不憂鼠竊夜潛窺

題共亭

駕鶴峯前山氣佳煉丹泉上石如排高低簷宇依叢竹  
屈曲梯橋跨斷崖仙客肯教人世得賢侯還與郡民偕  
春風日落歌聲散蘚徑時時有墜釵

元老十二丈教授就館西城因以寄之

誰教蹇步躡丹梯曾是先生振所迷始喜草廬依郡北  
旋聆絳帳出城西儀韶久合為虞鳳伏鵠猶勞似魯雞  
却愛春風嘉樹下依然還見舊成蹊

和光道喜和叔得雨兼呈和叔知縣鄉兄

精誠一念格明神時雨經宵即效珍政屬士龍真有譽  
頌成吉甫更無倫千疇土脉三冬起百里根芽一日春  
自古移風由美化善良從此在吾民

送左司董郎中出知汾州三首

策足年來據要津  
漸分符竹寄兵民  
雙旌卷霧輝霜日  
駟馬驕風蹀路塵  
魏晉河山元險固  
陶唐風俗本淳淳  
銛鋒爽鑿清夷旦  
報政應須笑魯人

少壯同看桂苑春  
白頭相顧等天倫  
素風凜凜驚頽俗  
高義脩脩媿古人  
邂逅論情槐棘地  
慙慙分袂雪霜晨  
剖符自是諸侯貴  
不學河梁話苦辛

養狙有感誰非是  
塞馬無因自去來  
人見終軍持漢節



世聞郭隗上燕臺九門天上雲泥隔三徑山陰夢想開  
青瑣黃扉嚴密地待看旌旆應時回

和李判官

衛玉清標未及門先知和氣襲人溫言高自有精醇味  
手敏曾無洗削痕一捧絲綸來幕府兩迂舟楫過江村  
已慙無取叨交契更辱新詩仔細論

襍詠三首

相逢邂逅典文場人世機心一笑忘麗藻滿籟堆錦繡

清談終坐擊琳瑯衣裘不羨公西勝才術當知賈傅長  
今日故園聊躑躅他年要路看騰驤

風過依稀聽步虛穿林度水得清都地靈自有煙霞勝  
歲久何妨粉墨蕪雙鶴未歸晴晝永片山長在白雲孤  
無端塹斷靈源地王氣寧知屬後湖

日曝山頭土欲焦全家冒日走岩堯石泉絕澗階千級  
嶺路穿雲線一條借問裹糧朝歷險何如坦腹夜吹簫

原注  
下逸

鳳凰臺

昔吟太白鳳凰詩此日登臨認故墟  
丹穴好音今寂寞碧梧秋葉晚蕭疎  
訪尋池苑無陳迹指顧江山似舊書  
流影逝波何足恨且聽天籟響虛徐

陪潭倅張朝散江皋觀魚

通守陳魚許縱觀旋開芳宴俯江干  
合圍緩覺波心遠數獲豐知網目寬  
何必姬姜當脆板自多魴鯉薦瑤盤  
歸舟清興知何限湘水無風夕月寒

送史道源往宛丘

與君身世本西東一席虛齋邂逅同  
張尉寬衷無巧詆陶唐遺俗有淳風  
座中未閣紅瑤塵門外還嘶白玉驄  
來歲金科新榜上當看名字冠諸公

和陳承事喜雨應祈見賀

空階昨夜響淋漓正是東臯渴雨時  
螻蟻未應能有感乾坤自是本無私  
已知協氣通三壤想見嘉禾秀兩岐  
更待秋冬高廩後與君同賦譽堯詩

送湖南提刑安學士

洞庭六月暑風長  
使者征帆挂短檣  
汲引津途多肉食  
追隨行路有壺漿  
南洲自戀涵濡德  
北闕方思獻納良  
更識高門延慶事  
綵衣新有桂枝香

節遇中秋挾日餘  
哲人來契夢熊時  
神澄曉露珠凝彩  
氣爽秋風桂有枝  
歌袴始喧清贛曲  
使星還照碧湘西  
太平天子方求舊  
但指松椿祝壽祺

龍窟寺

籃輿薄暮下禪扃，貪看松蘿氣象清。  
未與老僧張榻坐，且攜稚子繞廊行。  
小堂煙重鐙生暈，遠壑風高水有聲。  
寂寞卧龍無處問，數聲山鳥自飛鳴。

和純翁新秋夜雨

西風吹雨下天涯，還見蕭疎八月期。  
筠簟驚秋初冷後，蘭缸凝暈未吹時。  
誰人擊節悲秋夜，幾處停針念所思。  
此景多情吟不盡，何郎底事最先知。

秋日登戒珠寺

幽尋蘭若已多歡更踏崇山望遠山高閣路餘心未悵  
秀巖日盡興初還隴雲凝素晴猶潤籬菊分金暖尚慳  
飛蓋不須容易去且偷閒暇笑談間

重過高郵丁志高道路 并序

予元豐中初官高郵出入丁志高道路首尾  
三年今日重過見其居民增多人物蕃膴昔  
之茆茨甕牖往往皆高堂大厦矣惟兩隄槐  
柳依然如舊

扁舟平日此東西屈指于今二十暮村落平田添棟宇  
人家碧瓦煥茆茨經過自覺風煙好來往誰知歲月移  
密柳高槐都似舊行人雙鬢漸成絲

壽顧侍郎

應鐘司序兩旬時台座光凝照水湄善慶遠歸三俊後  
哲人來副半千期澄波渺渺韜洪量喬嶽稜稜挺異姿  
早晚釣衡調燮去鳳池當見老蓮龜

送敏修赴官鉅鹿



蛭鷺悠悠祇可憐  
搶榆控地已飄然  
早聞達識無諸蔽  
晚挹清風勝所傳  
會面已欣渾似舊  
開懷還肯便忘年  
淶波碧草芳春日  
忍詠江生送別篇

題王氏清軒

開亭後圃號清軒  
非逐豪華効兔園  
入座馨香惟蕙草  
照窓清淺只池源  
暫來自怪塵埃遠  
竟日原無鳥雀喧  
况是繞垣多翠竹  
春風次第長龍孫

題明軒

兩楹開處面純離題作明軒得事宜計利已居人會地  
征商還是日中時平持刀尺無心用高倚權衡莫我欺  
達識主人元有大誰知細故亦無遺

題海鶴

仙禽西過萬年枝人道飛鳴是路岐幾向靜中陪振鷺  
也曾高處見長離共知天上聞聲韻直羨風前刷羽儀  
好與便隨行綴去舞韶應自有嘉時

題西成軒

華軒聞在了溪東軒號西成學老農碧玉千峯終日好  
黃雲萬頃幾香濃天低每接金仙語夜迴時聞紫府鐘  
祇恐主人為吏去春來三徑綠苔封

用韻謝越帥程給事

大屏元侯重薦論自慚蹇淺匪多聞已當壯齒逢清世  
敢向南山戀白雲宴以笙簧終永日寵將珠玉煥新文  
願憑陶鑄冲天去黃閣門前拜使君

戲呈程民老

多才是處走華鑣問柳尋花九十朝春去光陰祇恨晚  
興來行路莫知遙謝安攜妓情雖遠崔烈為公臭不消  
應是醉魂傷駘蕩大歌楚此為君招

六外典  
蒙雲叟司戶寵示佳篇若將以功名相勉者再  
用韻以呈

來時春半忽驚秋思慮關心欲破頭符竹徒勞乘絕障  
輿圖那忍望神州未酬素志終難已欲問皇天肯斷休  
樽酒且須澆壘塊不須更作畔牢愁

直須富貴在何時到手杯行且莫辭未放沈酣千日醉  
何妨酬唱百篇詩喜看小雨生新潤要使悶愁破兩眉  
景物秋來盡佳句濡毫會看墨成池

和都城春雪

六花飛壓九街塵應訝人間未覺春天上樓臺銀作屋  
雲中車輅玉為輪三秋狼戾盈倉兆萬國歡呼擊壤辰  
寂寞袁門煙火冷未知誰是扣關人

病中聞梅已放就隣人求之

屈指新春只月餘  
園梅聞道已盈枝  
暗香便欲朝三嗅  
寒笛愁聞夜一吹  
病眼未能臨翠薄  
幽懷還恐失霜枝  
從君覓取春消息  
莫使空吟寄驛詩

次韻和道守曾大夫堂前早梅花

畫堂深處臘前開  
應笑孤根庾嶺隈  
不比一枝隨驛至  
肯愁三弄逐風來  
華繁素逼窓紗月  
香重寒銷印篆灰  
賢守吟看多麗句  
清新未羨宛陵梅